

## Matješkec firmu Power-Tools wopytali Sydom ludžom džěłodawar

Sernjany (aha/SN). Kaž hižo wot lěta 2009 podaštaj so wčera zapósłancaj Sakskeho krajneho sejma Marko Šiman a Alojs Mikławšk (wobaj CDU) znowa z kolesom na puć po wólbnyh wokrjesomaj 52 a 53. Wčera přewodžeše

jeju zapósłanča zwjazkoweho sejma Marja Michałkowa (CDU). Mjez druhim wopytachu woni Matješkec firmu Power-Tools tzwr w Sernjanach. Mjeno pokazuje na mócnu džěłowy grat. Tajki wšak bě Michał Matješek jako wonkowny za-



Předewzaćel Michał Matješek (srjedža) rozložuje politikarjomaj Alojsej Mikławškej a Mari Michałkowej koncept swojeje firmy w Sernjanach. Foto: A. Handrik

stupjer hižo 1874 založeneho šwedskeho předewzaća BAHCO po přewroće firmam po cylej Němskej poskićał. Po štyrjoch lětach so zesamostatni, a wot lěta 2010 ma mały zawod swój domicil w hali zboka bywšeho Sernjanskeho rězaka, kotryž je z wulkej prócu přetwaril na běrowowu rumnosć, skład a džěłarnju. Spočatk tohole lěta založi Sernjančan swoju firmu M-PT (Matješek-PowerTools).

Sydom ludži, nimalje wšitcy su Serbja, w předewzaću džěła. Mjeztym ma wone dobre mjeno mjez firmami Němskeje a prócuje so tež swójske wudžěłki zwičnić. Dodawa a poslužuje mjez druhim wulkozawody kaž Vattenfall, Bombardier a BASF z wysokokwalitnymi mašinami a techniku za milinarnje. W Němskej maš jeničce džesać tajkich firmow, Sernjanska je jenička sakska. Mjeztym zo so mandželska Angela, we Wětrowskej šamotowni bě hospodarska překupča, wo běrowowe džěła stara, prócuje so džowka Carmen Hebestreitowa jako inženjerka za mašinotwar wo wuwijanje swójskich produktow. Sernjanskemu předewzaću, hdžež ma serwisu prioritu, dže wo to, zo spěšnje a w dobrej kwalifici džěła. Mjeztym tež we wukraju wikuje.

Michał Matješek praše so zapósłancow za spěšnym a šěrokopasmowym zastaranjom kaž tež za wysokimi płaćiznami ćěriwa, pokaza pak zdom na pobrachowace fachowe mocy. W konstruktiwnej rozmołwje dósta wón rjad pokiwow a přilubjenje, jeho při rozrisanju problemow podpěrać.